



# Chamna Aw

(A Monthly Organ of the Evangelical Synod Church)

Vol. XXXI

No. 7

October, 2016



Kei lo chuh Pathien  
dang nei kih!

2016 Kum thupi:  
KHAWVAK CHATE BANG IN UM UN

Eph: 5:8

Editor: Rev. Thangkhoiem

Evangelical Synod Church  
Central Khristien Khanglai Pawl



Venue : Phaijang, Thanlon Sub-Division  
Duration : 19-22 January, 2017

CMYK

7a:

## Chamna Aw

(Evangelical Monthly)

Regd. No. 64436/96

E-mail: e7s7c7@gmail.com

www.synodchurch.com

Published by Rev. Thangkhoiem on behalf of the Evangelical Synod Church  
Printed at: THAWNSAAU PRINTING WORKS, CENTRAL LAMKA.

Alak man ..... apat ..... ₹ .....  
**If undelivered pliz return to:**  
ESC SECRETARIAT,  
Chengkawnpang, Churachandpur,  
Manipur - 795158

PIN

CHAMNA AW PHUNGVUKNA DING	
1. Chief Patron	₹ 5000.00
2. Patron Member	₹ 4000.00
3. Diamond Member	₹ 3000.00
4. Gold Member	₹ 2000.00
5. Silver Member	₹ 1000.00

# Chamna Aw

SUOHPAT KUM 1986

a sunga thu umte

- Editorial ..... 01
- Khawvak chate bang in um un..... 03
- Halhthakna leh beiguol ..... 07
- Bible hi bngang ahim? ..... 09
- Thiempu puonak chuol leh Pathien  
thaunuh ..... 14
- Khutichun khawvak chate bang  
a na um ding uh ahi ..... 17
- Na ngaihtuohna Lalpa'n ahei..... 19
- Pathien lo in bitna a um puoi ..... 21
- Kristien leh khawvel sakhuo ..... 28
- Elija Prayer Mount thusim leh  
cabin hawna report ..... 31

#### EDITOR ANA HITE

- |    |                     |           |
|----|---------------------|-----------|
| 1. | Upa Lalkhgin        | 1986      |
| 2. | Rev. Khaigin Gangte | 1987-2005 |
| 3. | Rev. Lamkhawst      | 2006-2013 |

**Vol. XXXI No. 7**  
**October, 2016**

#### EDITORIAL BOARD

**Chairman:**  
Upa Dr. L.S. Gangte, M.A. M.Phil.

**Editor:**  
Rev. Thangkhoiem M.Div.

**Asst. Editor:**  
Rev. K. Siemlien B.D.

**Associate Editor:**  
Rev. Khaigin Gangte B.D.  
Upa Paozalun B.A.  
Rev. L. Sata B.Th.

**Bible Study:**  
Rev. T. Kamgin Gangte M.Th.  
Evan. Paukhomang B.D.

**Contributing Editor:**  
Upa Th. Manggul B.A.  
Rev. T. Kampu M.Th.  
Rev. Henkholien M.B.S.  
Pastor Khaitinthang B.Th.  
Evan. L. Minthang B.Th.  
Miss Chinboi MRE

**Circulation Manager:**  
Mr. Paubik, Secy. SEB  
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office  
Post Box-54, Chiengkawnpang,  
Churachandpur a thak ding.
- Ala nuom leh a man pie nuom te'n  
circulation Manager, hetsak ding.
- Thukisuoh cheng hi ESC Ngaihdan  
ahi vek khel puoi. Article zikte'n a  
mawh a kipuok chiet ui.

PRINTED AT  
THAWNSAAU PRINTING WORKS  
CENTRAL LAMKA

#### CHAMNA AW PATRON MEMBER LIST

##### CHIEF PATRONS:

- |     |                                  |                  |      |
|-----|----------------------------------|------------------|------|
| 1.  | Pu S. Paukholal                  | Chief of Bunglon | 1994 |
| 2.  | Ebenezer Chapel                  | D. Phailien      | 2014 |
| 3.  | ESC Shillong                     | Shillong         | 2014 |
| 4.  | Mr. S.K. Juiliana                | Lamphel          | 2014 |
| 5.  | Nk Sawmte K. Gangte              | Fujairah, UAE    | 2015 |
| 6.  | Nk Esther Tinglamkim             | Gangte Veng      | 2015 |
| 7.  | Pu Thangzago (K.Vawmcha)         | Chiengkawnpang   | 2015 |
| 8.  | Langol ESC                       | Langol           | 2016 |
| 9.  | Mrs Hosisi W/o Laldawng K.Gangte | Jiribam          | 2016 |
| 10. | Upa Letkam                       | Bunglon          | 2016 |

##### PATRON MEMBERS:

- |     |                            |                   |      |
|-----|----------------------------|-------------------|------|
| 1.  | Pu Henkhojam               | Siempat           | 1994 |
| 2.  | Sep. L. Gangte             | 5th Assam Regt.   | 2003 |
| 3.  | Dr. Lalzazdal              | Chiengkawnpang    | 2004 |
| 4.  | Upa Niala                  | Shillong          | 2004 |
| 5.  | Pu P. Gangte               | Shillong          | 2004 |
| 6.  | Pu B. Manga                | Shillong          | 2004 |
| 7.  | Pu S.T. Gangte             | Shillong          | 2004 |
| 8.  | Pu Lalkithang              | Delhi             | 2004 |
| 9.  | Rev. Dr. Soson             | Dimapur           | 2007 |
| 10. | Rev. T. Kampu              | Guwahati          | 2008 |
| 11. | Pi Phalneihthiem           | Dehradun          | 2008 |
| 12. | Pu B.K. Gangte             | Dehradun          | 2008 |
| 13. | (L) Hengo                  | Chief of Chongmun | 2010 |
| 14. | Upa Dr. L.S. Gangte        | Chiengkawnpang    | 2011 |
| 15. | Pi Niengzalam              | Chiengkawnpang    | 2011 |
| 16. | Pu Sangvung                | Chiengkwanpang    | 2011 |
| 17. | Pu S.K. Gangte             | Shillong          | 2011 |
| 18. | Pu Lovejoy                 | Kohima            | 2013 |
| 19. | Pu Goginthang              | Shillong          | 2013 |
| 20. | Pu L. Minlun Gangte        | Shillong          | 2013 |
| 21. | Pi Lalkim                  | Shillong          | 2013 |
| 22. | Hav. H.L. Gangte           | Shillong          | 2013 |
| 23. | Ms. Grace Lalbiek          | Guwahati          | 2013 |
| 24. | Pu L. Neihsiel             | Shillong          | 2013 |
| 25. | Pu Lamtinlien              | Shillong          | 2013 |
| 26. | Pu S. Thienlaljoy, SDO     | H.Q. Veng         | 2013 |
| 27. | Pu L. Sawia                | Gangte Veng       | 2013 |
| 28. | (L) Lt. Col. L. Gangte     | Chiengkawnpang    | 2013 |
| 29. | (L) Upa K. Manga Gangte    | Shillong          | 2013 |
| 30. | Rev.Dr. Th. Lamboi Vaiphei | Hill Town         | 2015 |
| 31. | Pu K. Pauboi Gangte        | Chiengkawnpang    | 2015 |

##### DIAMOND MEMBER:

- |    |                   |                |      |
|----|-------------------|----------------|------|
| 1. | Upa Lamkhodem     | Chiengkawnpang | 2015 |
| 2. | Mrs Felli         | Chiengkawnpang | 2015 |
| 3. | Moizokim (Chloe)  | Lamphel        | 2015 |
| 4. | Pu Lama B. Gangte | Langol         | 2016 |

##### GOLD MEMBER:

- |    |                             |                 |      |
|----|-----------------------------|-----------------|------|
| 1. | Pi Niengneihchoi            | New Delhi       | 2014 |
| 2. | Agape Children Eng. Jr.H/S. | Ithing, Moirang | 2016 |
| 3. | Upa Th. Manggul             | Bunglon         | 2016 |

##### SILVER MEMBER:

- |    |                         |                       |      |
|----|-------------------------|-----------------------|------|
| 1. | Pi Sailothangi Thangzom | Old Lambulane, Imphal | 2014 |
| 2. | Antioch High School     | Abicharan Tripura     | 2014 |
| 3. | Upa Thanglal            | Bijang                | 2015 |
| 4. | Upa Laltinthang         | Gangpimuol            | 2015 |

leh angaihkhawknau thusim a gen a; mipi ettawn ding leh tilkhouna thu zak ahih ziek in, Shillong Sapchuom leh Upa Khaipi chung ah, Pathien min in kipah thu I gen uh ahi.

Chuleh pauchamna tang a ding a I panlakna'u cheng cheng hih, taksa leh thagau lama buoina, natna neite chengin, athak a vangsakna a channa ding un, Pathien in vangsak zing hen. In/Cabin sa te le, Pa Pathien in na tamtak sepbeh thei ding in, phung vuk zing hen. Tu a le I kinepna'u chuh, Pathien vangsakna chang a, Cabin sa te'n Cabin dangdang ahun sakzawh phat uleh Pathien Lopina chuh I mit ngei ua hun muh beh zel ding I hui hi. Chuleh zie Tang thiengtho ahin mawhpuo Committee siem in aum a, ziete haw chuh anuoi a hi ahiu:

Min	Designation
1. Dr. Thangkhum	Adviser
2. Pu Dalzamang	Adviser
3. Upa Dr. L.S. Gangte	Adviser
4. Upa Paukap	Chairman
5. Pu Lamgin	V/Chairman
6. Pastor Samuel	Secretary
7. Rev. T. Doukap	J/Secretary
8. Pi Chongmuonkim	Treasurer
9. Evan. TK. Lalzawm	Information Secy.
10. Rev. Thangkhoiem	Member
11. Upa Pumlal	Member
12. Upa Hauneikim	Member
13. Upa Kunglal	Member
14. Pu Thangpau	Member
15. Pu Lalzawm	Member
16. Sister Hoihkhualthiem	Member
17. Pi Neinu	Member

Na deihsaknau leh na panpinhau a kinga,

(Upa Paukap)  
Bijang ESC, Chairman G.C.G.P.C.



## PA VANA UM PAHCHAK A AUMNA DING

**“Na vak u chuh mi mitmuhin vak hen; khutichun, na nasepphat teu chuh muu untin, na Pau vana um chuh pakcha thei u nau” Matthew 5:16.**

Kristiente mimal hileh Sapchuom hileh vakna suhsakna dinga matchak khat chuh *“Thilpha hih”* ahi tih akilang hi. Zie hi hetkhelh baihlam mah mah thil aum thei hi. Zie a Thilpha hih kiti hi, Chanchinpha gensawna nasep ahi thei a, mi a dinga thilpha him him hih le ahi thei hi. Khenkhat chuh Chanchinpha chauh gen gen mai zie khel chu sepbeh umlo aum thei a, khenkhat kit chuh thilpha taksa lam a pawimawh haw mi a ding a hih hih mai Chachinpha genlo mimal leh pawl aum thei hi. Ziete nih hi a chiekhawm tei tei apawimawh hi tih het a phai. Krista lungsietna chun anih in ahuom gel gel hi. Mi gilkielte chu An piek apawimawh a, Chachinpha a gilkielte kawma le gen angai hi. Suongkul tangte va veh apawimawh a, Chanchinpha le hilh ding ahi. Damlote Hospital a va veh a paisa piek apawimawh a, Chanchinpha thu le va gen ding a ngai hi.

Sapchuom masate'n le ana chiehpah u chuh Thilpha hih ahi. Dorcas chuh mi gimtheite panpinhau a napha sem a, meithaite puon ding khuihsak sek ahi (*Nasepte 9:39*). Antioch Sapchuomte chun Jerusalem a sapchuomte panpinhau dingin sum athak ui (*Nasepte 11:29*). Sawlchakte Jakob, Peter leh Johan chu Zentel sapchuomte'n alak ua chagahte hezing ding hetzing ding ahih dan akilang hi (*Galati 2:10*). Paul in Timothy lehkha athakna a chun, Timothy kawm ah **“Mi neizote kiletsaklo ding leh sum muonumlo a ginna ngalo a,...“Thilpha hiha, thilpha hiha hausa ding leh, thil phal a midangte kepzaw ding in hilh thu pie zawn” (I Tim. 6:17-18)** tin a thu hilh hi. Jakob chun, **“I Pathien u leh, Pa mitmuh a sakhuo ho dan thieng leh kisubuoklo chuh zie hi ahi; nauchagah leh meithai a**

liengvaih lai u a veh a, amah ngei zie khawvel sietna lak a kisubuoklo a kikiengkawih ahi ahi”(Jakob, 1:27).

**Thipha bawlna ding ziek chi nga aum a, zie haw chuh:**

1. Thilpha hih chuh Pathien deihlam ahi. “Mi ngawlte thugen ngawluoi takte, thilpha hiha na sukthip u hi Pathien deihlamtak ahi ngala” (I Peter 2:15).
2. Thilpha hihna chun Pathien nungchang leh hihna a sulanga, thilpha mang chun Chachinpha mite kawma gen chu a pawm baihlam hi. Pathien in mite alungsietna chu tehguolloh, phuloh lungsietna (unconditional love). Zie Pathien lungsietna chu nasep phat a suklatna chu ahi.
3. Pathien lungsietna lopi dan chu nasepphat a suklat chuh Sapchuomte hih ding him ahi.
4. Isu Krista ngei inle mihinga dinga thilpha ahih chun, Krista chu Sapchuomte’n ettawna aneih ding ahi a, Krista nungzuitute hihna chu Thilpha hiha akilat ngei ngei ding ahi.
5. Sapchuom in Lalpa mina thilpha a hih chuh mite’n Chanchinpha a pawmtheihna ding ua kawt hawngtu ahi. Sapchuom in Krista lungsietna atak a asuklat theihna pen chuh, mite dinga thilpha hih a, lungsietna suklat chu ahi dingpen chu ahi.

Pathien lungsietna leh a zahngaihna chu Chanchinpha manga suklat ding ahi a, zie namdetna ding chun Gingute leh Sapchuom in mite chung a thilpha hih a suklat chu Gingtute chiehda ding leh sep dan ding chu ahi. Zie Thilpha kihih chu Sapchuom minphatna ding ahim, mimal minphatna ding ahim hilo hiel ding, Thilpha hihna zieka Pa vana um chu miten apahchak nau ahih theihna ding ahi. Mihing pahchakna ding leh kichawihsanna dinga Chanchinpha gen ahim, Thilpha hih ahim chu Pathien deihlam ahi puoi. Bangkim chu Pathien lopina ding leh Agam letna ding ahih zing apawimawh hi. Bangkim I hihtakphawt u hi enchiehthakkit hi tiu. Pathien chate hihna zieka lampipha dik hih a miten ei het ua, Pa Pathien apahchak ua, Lalpa gam keklet ahihna dingin panthak la chiet hi tiu.



## ELIJA PRAYER MOUNT THUSIM LEH

### CABIN HAWNNA REPORT

*Amasan I ma’u eipui a, eivangsak zing, Pa Pathien chuh zahna leh lopina chang hen.*

Kum 2012 sunga Pathien vangsakna leh deihsakna ziek a, I nam in Pathien cha I hihna, Centenary I na mat nau apat, gah lopi leh masapen ding a, Pathien in ei neihsak leh ei muhsak chuh, Elija Prayer Mount hih ahi. Zie mun hi, Kim Commisariat Hausa, Pu P. Lamgin in, Pathien chate’n lung kiguola Pathien I ho khawm theihna ding leh, sana leh suongmantam sang a golul zaw, I kholkhawm ua, I neihtheih na ding ua, gam phatak leh lientak mai eina piek ahi. Zieziek chun nam vangpha pente lak ah I tel ua, khawvel beih ma cheng a, Pathien na theihtawp suoh a, I sep khawm theihna ding uh gam eina pie, Pu P. Lamgin chungah kipah thu gen senloh akiba a. Pathien in vangsak zel taken. Zie tang Thiengtho ahin 1<sup>st</sup> October, 2011 apat in, kumkhat leh khatvei I na paucham khawm sek ua, 1<sup>st</sup> March, 2016 tha khah I paucham khawmna’u a 6 veina ahitai.

Tuni chanin, zie tang thiengtho a ding hin, pankhawmna leh sep khawmna, I nei theinai puou a, I pan khawm ua, I sep khawm na ding un, Elijah Prayer Mount a Committee te’n, 31<sup>st</sup> October 2015, 01:00 P.M. in Chiengkawnpang GBA, Hq. Council Hall ah, meeting neih ahi a, thu nepnoi huntiang sukfelna leh 2016 sunga dinga budget guonna akinei a, kiguoltak in ₹ 500,000/- (five lakh) guon ahi. Ziechuh November, 2016 sunga piek chiet dinga hetsakna leh ngetna le Sapchuom 74te kawm a hawpzak ngal ahi. Zie tang Thiengtho a sepkhawm, pankhawm leh Pathien hokhawmna ding hih ngaikhawk a, budget hunpie masapente chuh (1) Langol ESC, (2) Gangpimuol ESC, (3) Langvon ESC ahiu. A chung u ah, amun mun a kipah thu hung kigen theinailo ahih ziek in, I Chanchin Bu neih uh ngaihsan umtak ahin ka hun sulang ahi.

Chuleh I pauchamnau lawhtitna leh gah masapen chuh Pi Neinu, Bijang in ana sak Cabin No. 1 hi ahi. Ziechuh 24<sup>th</sup> December 2015, 01:00 P.M. in hawn ana hitai. Anihna ding in Shillong ESC te’n a sak uh Cabin No. 2 hih ahi. Zie hih 21<sup>st</sup> July, 2016 08:00 A.M. in Rev. T. Doukap, Phai biel BS in ahawng a, lhatna le anei ngal hi. Ahun guonggalh Shillong ESC te apat Upa Khaipi ahung tel thei a, amanle ahun guongalhnau thusim haw

chu Isu taksanna zala hing kihi ahi. Isu Krista chuh thangni, tuni leh kumkhuotuong in A ngêi ngêi ahi zing ngâl a. Hebrai 13:8

Mifel leh mipil haw in khawvel thusim apat hinkhuo dikna a sut zing u a, atawpna ding ahe dawk diek puou hi. Sakhuo lamkai ahih ziekun lampi leh adik danin mipi apui ui. Himahleh Isu chu amau tawh kibanglo ahi. Lampi, thutak leh hinna hetsak dingin ahung puoi. Isu chu lampi, thutak leh hinna zawk ahi. Isu'n a kawmah, "Keimah hi Lampi leh Thutak leh Hinna ka hii; keimah a chieh lo chuh, kuomah Pa kawm a tung ngei puou. Johan 14:6

Khawvel sakhuo a thil um haw hih a taktak hilo in siemkhawm thu ahi. Aleh lamah Kristien diktakte chun Pathien hukdamna chu lungsietna zalin a chang ui. Khutichun, ginchakna chuh, zakna vangin a hung um sek a, chun, zakna chuh Krista thu vangin a hung um sek hi. Rom 10:17. Thagau hukdamna chu Thagau Thiengho panpihna zala Pathien thu zak a, kama phuon dawk ahi. Mite'n lunggil in a gingchau a, diktatna a mu sek ui; kam in a phuong u a, hukdamna a mu sek ui. Rom 10:10. Hukdamna hih Pathien thu zakna apat kimu vek ahi. I

kikawp uh taksanna dungzuia ka cha tak tak Tita kawmah ziehi ka zik ahi. Pa Pathien leh Krista Isu I Hukdampau chun hehpihna leh chamna hun pie hen. Tita 1:4. Simon Peter, Isu Krista sawntawlawi leh sawlchak apat chun I Pathien uh leh Hukdampa Isu Krista diktatna vanga, taksanna lul tak ka chan bang uh changte kawmah: 2 Peter 1:1. Deihtakte, a tângpi a hukdamna I chan danteu thu khah na kawmuh a hun zik ka guot lai takin, mi thiengthote kawma taksanna thu khatvei vawp saka umna thu lam ah chun, thanuom taka bawla, nanguh hun tîl dingin, na kawmuh a lehkha zika taimat suoh ding tih, ka hun he dawk a. Jude 1:3. Thil kibat lohna I tehkal chun khawvel sakhuo'n kuomah Pathien kawm a tut thei puoi. Mi ngaih a lampi dik hi leh kilawm tak a um a, a tawpna chuh thihna lampi ahi ngâl. Thuchingte 14:12. Mi dang kuomah kawmah hukdamna a um puoi; van khupsin nuoi ah, mihiem sak lak ah, ei hukdam ding min dang himhim a um puoi," ati a. Nasepte 4:12. Pathien in Isu Krista chauh chuh, suongphuh dingin a na lem ta a, suongphuh dang kuoma'n a phut thei kit ta ngâl puou a. Zie suongphuh chuh Isu Krista ahi. 1Korinth 3:11

# “KHAWVAK CHATE BANG IN UM UN”

Ephesi 5:8



Rev. K. Siemlien

I sapchuom pumpiu in tukum 2016 sunga thupi dinga I teldawk uhih, kristiente adinga pawimawh mahmah, avel a het dawk leh zuih dinga siem chuh ahi. Thugen tute'n ana gen ua, I na ngaitha tau a, gendan leh chiehpil dan chuom chuom in sut ahita a, mahleh athu hih achul puoha alul deuh deuh hi. Tunu hin avel a et kit ding in ngaihtuohna ah alien mah mah a, mah leh apawimawhna bangtak inle sulangzo dieklo ding I hui hi.

## I. Khawvak chate chuh: Pathien umdan late I hih ding uh ahi.

a. **Thienthona lam ah:** Na thientho ding uh ahi; kei Lalpa na Pathien uhi ka thiengtho ngal a (Thiempudante 19:2). Suok in kapahman muhna dinga asep guol hilo ding, Pathien hing cha tak tak te'n thienthona, hin dana, aneih guol uh hi zaw ding ahi. Kisitchak nei puma, thientho guot ding hilo, a thiengtho tak tak, utna deihna kichientak neia, thienthona hinkhuo neih ding, Aziek chuh, athienglo abuok chuh Pathien in a hawt, adeihloh ahih ziek in.

Mi cheng cheng tawh kichama um na leh thientho na delh un, zie thienthona lo chun kuoma'n Lalpa mu puon au (Hebrew 12:14).

Khutichun, deihtakte haw, zie thutiem haw chuh I neih ziek un, phehlevo leh thagau buokna cheng cheng lak a pat, kisuthieng hitiu. Pathien laukawm tak in, thienthona bukim in um hitiu (2 Korinth 7:1).

Pathien in abuokdingineisampuoha, thiengtho taka hing dingin eisam zaw ahi (1 Thessalonika 4:7) Nang uh na thientho dinguh ahi. Kei ka thiengtho ngala (1 Peter 1: 16). Amah kithunun thei, diktaka um, thiengtholeh kisawizawi mi ahih ding ahi (Tita 1:8).

b. **Numei pasal kalah:** Alak ua khenkhatte'n nungak adeih chau a, nikhata singnih leh sangthum in athih lawh guol u khan, kideihcha puoi tiu (1 Korinth 10:8). Huka kideihchak nate hi haihsan un, mihiem in gitlohna dang ahihte

chuh ataksa pawlam ahi; himahleh mi deihchak nuomte vang chun amah sapum chungah thil gilo ahih ahi (1 Korinth 6:18). Pathien deihlam, na thientho na ding u chuh zie hi ahi; kideihchakna haihsan unla; na lak ua pasal tin in, azi tawh thiengtho tak leh zahum tak a hindan ding, kihetchiet uhenla, Pathien hephalo, Jentel te banga, utchakna thanghuoi a kipielo in (1 Thessalonika 4: 3-5). Sapum hi kipawl thanghuoina a matding ahipuoha, Lalpa nasepna dinga matding ahi zawi (1 Korinth 6:13).

Lalpa Pathien in, “Mihiem amah maia um hi aphapui, amah panpih ding, akithuohpih ding dawl mi siemsak ingka” ati a (Genesis 2:18). Pathien in kichenna hih tup leh dawih nei a ana siem ahi. – kipawl khawm ding (Fellowship)- Cha leh nau hun nei ding (to have children) – Nupan umkhawm ding (to have sexual satisfaction) – Nupa’n kala umkhawmna, kipawl na hih Pathien vangsak ahi a, nupan hilo, alem lem, a ut ut tawh kipawl zieng chuh Pathien hamsiet ahi.

Khawvela tuilet na ziek leh Sodom leh Gomorah mei leh kata haltum na ziek khah, numei leh pasal kala kipawl thanhuoina, Pathien mite tawh ginglo mite kipawl thanhuoina ziek ana hi. Mihiemte deih dan leh utdan sukpitin na a, mun cheng,

hun cheng mitin ngaihtuohna umzo ta. Asiemtu Pathien lam ena, lunggel, nasem umtalo. Amau haw nawpsak ngaihtuohna ngawna dim zo ahitau hi. Kihdak umtak leh thanghuoi tak Pathien deihdan kilang talo, mihiemte a chauh ahi ta ahi. Thiengtho leh ettawn tak, Pathien lopina phuolangtu hiding a panlak ding ahi. Ama’n alopina dinga eisiem I hingal ua. “Thilbuok tincheng paptaka hihdingin hukna ah akipumpiek tau hi” (Ephesi 4: 19).

**c. Nek leh dawn thu ah:** “Uain khamin um kiu inla, zie tak achun kideklohna aum ngal

a” (Ephesi 5:18). Sun a um guol in, hawihtak in um hitiu, zu dawn buoi leh zukhama umlo in, huk leh kideihcha a umlo in, kisuol leh kimitthipa umlo in. Lalpa Isu Krista chun kithuom zawu inla, na pheh le vo utnau pitin dingin bangmah hih kiu (Rom 13: 13,14).

## II. **Khawvak chate chuh: Pathien umdan late I hih ding uh ahi.**

**a. Ngaihdamna ah:** Pathien in Krista a nanguh ahun ngaihdam guol in, ki ngaidam tuoh un (Ephesi 4: 32) Pathien cha, piengthak Isu Krista, Lal leh Hukdampa a pawm ta te chuh mi ngaidam I hih ding uh ahi. Mi’n eingaidam ah atih ziek a, ngaihdamna hilo, Krista’n ei ngaihdamsa ahih ziek a, athawna

gitloh a thite chu hinna leh nicheng mamawhte A piei. Zieziekchun, Pathien Lehkhabu’n, “Mihing masapen Adam chuh, hinna nei a siem in a um hi,” ti a a gen chuh; Adam nunung zaw chuh hinna piepa thagau chuh ahi. 1 Korinth 15:45. Krista thisan ziekin Amah achun I kitatnau I nei tau a, a lungsietna hauh dungzuia I sukkhelhna ngaihdamna chuh. Malai khan nang haw le, na sukkhelh u leh na gitloh ziek u a thi na hih lai u khan, a hun sukhin na hui hi. I sukkhelhna hawu zieka thi I hih nasan un le, Krista tawh thakhat in ei na suhing ta a. Pathien hehpihna ziekin hukdam na hi tau hi. Ephesi 1:7; 2:1,5. Amah achun I kitatnau I muu a, I gitlohnau ngaihdamna ngêi chuh. Khatvei chuh, na gitlohnateu ziek leh, Jentel dân neilote na hih ziekun, thagau lama thi na hui a. Himahlele, tuhin, Pathien in Krista tawh a hun sukhin khawm na hi tau hi. Pathien in I gitlohnateu chuh ngaidam in. Kol 1:14; 2:13.

Isu’n bangti’n I gitloh uh A ngaidam hi? Gitloh man chu thihna ahi ngal a. Rom 6:23, I gitloh un ngaihdamna chu Krista Isu thihna zal a ngaihdam I hui hi. Khawvel ah pathien tampi aum a, mahleh khatchale amite dinga thi aum puoi hi. Himahleh Lalpa Isu Krista chun ei uh gitloh ngaihdamna dingin A hinna A pie’n A lungsietna A subukim hi. Mi

chengcheng tatna dinga kipiepa chuh ahi. 1 Timothe 2:6.

Khawvel sakhuo hin mipi puokgik giksakna, bawl ding-leh bawl lohding a pie a, mahleh bawl bukimna ding lampi a pie puoi. Kristien I tih chun mipi chu suhat masa phawt in, a zawhleh thilpha bawl dingin a chiel hi. Khawvel a um sakhuo puokgik puosate, puokgikna a piek beh hi. Kristien I tih hin chawlhdamna a piek chauh hilo in a lungkhampih, thuokpih hi. “Nang haw, semgim leh puokgik puo chengcheng te haw, ka kawmah hung unla, kei man hun chawlh sak ing ka. Matthai 11:28. Lalpa, nicheng a ka puokgik uh ei puoksak pa chu pahchak in um hen; Pathien chuh I hukdamna ahi. Sam 68:19. Isu’n I gitlohna A puok a, hinkhuo thak ei piek chauh hilo in I mamawhteu le ei pie zel hi. Gucha chuh, gu ding leh, that ding leh susie ding ngâllo chun a hung sek puoi. Kei vang, hin na neihna ding u leh, tamtak a na neih na ding u a hung ka hi zawi. Johan 10:10.

Khawvel sakhuo in dan leh muol tampi a zui hi. ‘Na matkih! Patep kih! Sukha kih’. “Khawih khawih ki’n la, tep le tep diek ki’n la, tham le tham kha diek ki’n” tih hi zawp zing nalai na hui hi? Kol 2:21. Kristieniti

# KRISTIEN LEH KHAWVEL SAKHUO



Rev Dr Ellien Gangte

Kristien leh khawvel sakhuo chu apum apang a kibanglo ahi. Khawvel sakhuo'n mihingte Pathien kawm ei tunsak guou a, mahleh Kristieniti chun Pathien hukdamna mihingte kawm a hun tun hi.

Babel Insang ahun sakpat ua khah milim pathien hona hung kipan ahi tai. Khawvel a miching mithiem Andrew Lang (1844-1912) leh Wilhelm Schmidt (1868-1954), amau chun Pathien khat taksanna 'Monotheism' chu pathien tampi taksanna 'Polytheism' a hung kipan ei puoi atiu hi. Pathien khat taksanna chu a hung tasam a, tichun pathien tampi ginchakna a hun tun a, milim ho-na hung kipan ana hi. Thil bangkim siempa Pathien khat chauh aum hi mi tampi lungthim ah aum zing hi. Mahleh Siempa Pathien na sangin thilsiemte na sem in a kipieu hi. Pathien he ngâl in, Pathien guolin a limbawl puou a, kipakna thu le a gen diek puou hi; himahleh, thil manloh te ngaihtuoh in, a lunggil uh a hung thim ta a. Ching a kingai in, mi ngawl a hung hi tau a, Thithei lo Pathien lopina chuh thithei mihiemte leh, vachate,

ganhing keng li neite, ganhingte lim bang a hih sak tau hi. Pathien thutak chuh lepchieh hihsak in, a Siempa ho sangin a thilsiem chuh ho in a zenviel zaw tau a. A Siempa zawk chuh kumkhuo a pahchak tâk ahi ngâl a. Amen. Rom 1:21-23, 25. Khawvel sakhuo a tamzaw hin mihing siem pathien haw a ho uh a, mahleh Kristieniti chun Pathien ei uh kawm hung tung chu, ei uhle Amah kawm I tung thei ui tih taksanna a suchien hi. Kristieniti Pathien chun nam khat suthiengtho in, zie nam apat chun khawvel ah a hung a, mihingte chu akawm ah ei pui hi.

Khawvel Sakhuo chun mihingte gitloh lohna dingin umdan pha 'moral ethics' a sinsak ui. Himahleh sakhuo chun gitloh ngaidam in, I thagau uh ei sukhin sak thei puoi. Lehlam achun Bible Isu chun I gitloh ngaihdamna chauh hilo in,

I chan chuh a thawn mah a I piek sawn ding uh ahi. Ngaihdamna chuh I hinpih dinguh ahi. Mihiem ah ngaihdamna diktak umlo, Krista ngaihdamna mang a midang I ngaihdam zel ding uh ahi.

Ka bat uh ei ngaidam in, kei unle ka thil bateu ka ngaihdam tak bang un (Matthai. 6:12). Ka gitlohnateu ei ngaidam inla, kei unle ka chungua thil hihkhielte ka ngaihdam bang un (Luke. 11:4) Ngaihdamna hih ni chenga I na mat zing ding uh, hetngilh ngeiloh ding, taihsan lohding, mawk kawih loh ding, suk hin zing ding ahi. Amah mai a bangmah hihtheilo, na mata sukhin zing ngai ahi.

Himahleh, nang chuh ngaidam dinga kisa zo zing Pathien, mi lainat thei leh lungsiet na adim, lungchuol tak leh nunnemna a dim, amau haw hengilh lo na hi (Nehemia 9:17). Ziepa hin bang zieka Pathien gensie a, zietaw bang thu hi agen ahi die aw? Pathien tihloh ngal in kuon gitlohnate angaidam thei a ahi? (Mark 2:7). Pauchama na din tieng u leh kuo chung hitaleh, thukhawk bang ahim na neih u chun, ngaidam un, khutichun na Pau, van a um in hun ngaidam ina (Mark 11:25). Midangte ngaidamun, khutichun ngaihdamin um un lau (Luke 6:37) "Hepa amau hi ngaidam in, athil hih uhi ahepuou hi." (Luke 23:34).

Aw Lalpa na chungu kana gitloh tak ziek un, kei haw leh ka lengteu, ka milienteu leh ka pateu chun zahchak umtak in thil ana hih tau hi. Zaidawhna leh ngaihdamna chuh ka Pathien u chun a nei a, achung ah ana hel tamah leu hing le, Aw Lalpa ngaidam in (Dannihna 9:8,9,19). Zie hi ka thisan a thugawlh thak, mi tamtak gitloh ngaihdamna dinga pawt chuh ahi (Matthai 26:28).

### III. Khawvak chate chuh: Pathien umdan late I hih dinguh ahi.

a. **Hehpihna ah:** Bangcheng sangin, gunchuh takin kihehpih tuoh chiet unla, hehpihna'n gitloh tamtak amelkhuh thei ngala (1 Peter 4:8). Muhdahna chun lungnatna achawkthoa, himahleh hehpihna vang chun, gitlohna cheng cheng a khuhmang sek (Proverbs 10:12). Pathien in hehpihna eihaw a dinga aneih chuh I heu a, ginle I ginchak uh ahi. Pathien chuh hehpihna ahi a, hehpihna a umzing chuh, Pathien ah aum zing a Pathien le amah a umzing ahi (1 John 4:16).

Hehpihna hih hetthawh loh ding, neih ding, mawka umsaklo a, namata sukhin zel ding ahi. Mi'n "Pathien ka hehpih ie" ti'n, asuohpih haw leh amah chuh lepchieh ahi. Asuohpih amuhsa zing bawn ahehpih loh chun, Pathien amuh khakloh pa chuh bangtina a

hehpih theih ding? (1 John 4:20). Kuole hehpihna neita chuh, Pathien hin ahitaua, Pathien le aheu hi. Kuole hehpihna neilo chun Pathien ahepuou hi. Pathien chuh hehpihna ahingal a ( 1 John 4: 7,8).

b. **Melmate hehpih ding:** Na melmateu hehpih un la, a hun samsie te chuh paucham sak un la, a hun mudahte chuh bawlpau un la, bangmah a hun ngailote leh a hun sugimtheite chuh paucham sak un, ti a chuh na Pau van a um chate na hih theihna ding un. Amah chun mi gilote leh mi phate chung a le ni kibang in a suoh sak sek a; mi pha

leh mi phalote chung a le guoh a zuk sak ngâl a. Nanguh hun hehpihte mai na hehpih u hin bang kipahman a na muh ding uh? Siehdawlte nasan in zie bang chuh a hih sek uh hilo ahim? (Mat 5:44-46)

Suokte haw, taksa a na lawiupateu thu'n bangakai ah nung un la, mihiem sukupakte mai banga mit na sem lo in, Lalpa na zah ziek u a lungthim diktak pu'n hih zawu in. Na hih takphawt u chuh, mihiem a ding banga hih lo in, Lalpa a ding banga hih zaw'n, lungthim dik takin hih zawu in. (Kolossa 3: 22-23)



**CHAMNA AW PHUNGVUKTU KIBEHLAP**

Zie anuoia te hin Pathien vangsakna sumlepai a chanteu mangin, kipak tak leh deihsak takin Chamna Aw ahun phungvuk ua, a chungu ah Pathien min in kipahthu suklat ahi. Lampi tincheng ah Lalpa'n vangsak in, amau pui zing hen. Amau haw chuh:-

- 1. *Upa Letkam, Bunglawn* - Rs. 5,000/- - Chief Patron
- 2. *Upa Th. Mangngul* - Rs. 2,000/- - Gold Member

Himahlele, kitaisiekna lampi, ka maban muolsuoh ding leh, Pathien lungsietna chanchinpha Phuong dinga Lalpa Isu'n nasep ding ei piek chuh sem buting phawt leng, ka hinna hi le thaklah kham in ka ngai puoi (Nasepte 20:22-24) ati guol in, ei hawnle Krista nasep hi semlo thei lo a ngai in, I masanga dahumna leh haksatna'n ei muok ding hilele Lalpa hatna suong in sem panta ding in ki sai tiu.

6. Khatvei chuh Tennyson in khawvel hoihna leh alopina haw hi hechiet leh muh chien a ut ziek in khawvel pumpi fangsouk ding akipan dawk a. Amau khuo Lincolnshire ahung tunkit phet in, agualte'n chun ana ngakla ten mai ua. A hung tun chun amah pawl ding in ahung khawm ua, Banga na khuol zinna lam chanchin thak hilh ding na nei em ? tin adawng u a. A khabe sawn in adak vel vel a, khutichun ading dawk a, guolte haw, Isu chuh athi a, Isu chu athokit a, Isu chu hung kit ding ahi, amah hehpihte hung pui ding ahi tin, achu kit ta mai a. A guolte chun " Guolpa tu a na thu gen haw kha chuh na chieh masanga kha ka het sau ei tai". Na khuol zinna a na thil muh haw chanchin ngaihtha dinga hung khawm ka hui," ati

au. Tennyson chun "Guolte haw, ka zinna gama chun mi lopi tak tak te ka mu a, Lal Isu sang lopi zaw mawng mawng ka mu puoi. Thil mak tamtak ka muh a, Lal Isu sanga mak mawng mawng ka mu puoi, thugen ngaihnapw um tak tak ka ngaihtha a, Lal Isu'n ka kawma thu agen sang a ngaihnapw um him him ka he puoi, Etnawp mak tak tak ka muh a, Lal Isu sanga et nawp um him him ka mu diek puoi. Zieziek chun khawvel hi ka fang suok a, chanchin thak ka hun puok sak thei sun chuh Lal Isu chanchin hi ahi e; tin a chut tha kit ta mai" hi atiu a. Unaute, Tennyson thugen hi tulai khawvel hin I mamawh tak zet tau hi, khawvel hi a neu deuh deuha, abuai deuh deuh, asuol deuh deuh a, zieziek chun tihtakziet in mahni hinkhou chiet ki ngaihtuoh thak kit hi tiu. Zie khawvel ahin lungkimna chawldamna mu thei him him lo ding I hui tih chuh ki hilh le angai ta puoi. Zieziek chun Lal Isu chanchin hi avel in ngaihtuoh in hechien guo tiu. Krista nei te chau in ze khawvel hi bangmah angai lo in, Lal Isu lopina chau amu zaw sek ui. Simtu te cheng cheng athak in Lalpa'n thagau lam vangsakna'n leh malsawmna'n phungvuk ta hen, Amen.



Lalpa Pathien hatna suong in suongcha khat tawh, avaisuohseh in Isrealte gal zawh na achansak guol in, ei hawn le Lalpa Pathien hatna suonga hinkhuo I mat u chun, Lalpa'n khawvel gal zawh na, bitna leh suohchakna thawnlo in ei pie ding ahi. Philistiente'n amihat pau asuong mah mah ua, kido dinga akuon cheng uh le, amihatpau asawl masa sek ua, zie tieng chule Isreal sepaiah te chuh lau in ataisieu sek ui. Saul leh sepaiah hangsan tamtak ten alawhngaihna helo in, nicheng leh Goliath lau a ataihsiet ngalloh u chuh hih theih dang bangmah anei puoi. Pathien nam tel a hih nau ahemil ua, Pathien hing hote a hih uh ki he dawkh thei leu chuh aw! David tanglak cha gal do thei le hi nai lo, Leng Saul in le, David kawma, ka chapa "Nang hi vang zie Philistienpa va do ding khun chieh thei deuh puonla tanglak na hi ham nalai ngala," ti hen la thuoh tei tei guo mah le, David in Pathien hing ho ahi tih aki het chien ziek in, Isreal leng pa'n thuoh henla, chieh ding pal lo mahle, milim pathien hote masanga Lalpa Pathien atawmmai ding chuh ngaingam lo in, Goliath do di'n akuon zaw ahi kha. Aw alopi na maizen e! ahe chien te ding hin chuh mi'n bang tin thuoh guo henla, chieh phal ki leu le, chieh lo thei lo a aki het ziek

un, Lalpa hatna suong in a chieh tei tei zaw sek ui. Aw Suohpih, na chi na nam gitlough souk ah tangdan, Setan khut a thi mai ding tamtak aum lai in, bangzieka lungmuong taka thip hiet hiet mai ding na him? Tuni hin, Lalpa'n a hukdawkh ding in nang leh kei ei sam zing hilo maw! David in atanglak ahi na kha paulap henla, alengpau Saul thugen kha a dik hi ti henla, ana chieh dah zaw mai ta le chu, bang tin ah, agam in gal zawh na achan ding ?, na chut thim mai mai chun danle Lalpa'n athisan phuba I chungang ngek lo ding a him ? avel in ki ngaihgtuoh hi tiu. "Lalpan hangsan leh thudik buh lakhawm di'n a sam, Buh amin tai, lak ding phat ngak in, nasemte atawm ui, ati guol in, I gam leh nam ading in, Lalpa hatna suong in I um na chieta pan la thak ding in avel in I ki chiel ui. Sawkchal Paul inle, Ephesus khuoa Sapchuom Upate'n Jerusalema cheih lo ding in hah thuoha athuoh lai uh khan bangtin a agen, Ka lungthima chiehlo thei loa ka kihet ziekin, Jerusalem khuoa chieh ding ka hi, zetakh achun ka chungang bang thil a hung tung dem tih vang ka he puoi ! Thagau thiengtho in, "Kanna leh dahumna'n ahun muok hi ti'n khuopi tin ah kei ei hetsak sek hi. Zehaw mai chuh ka het ahi.

# HALHTHAKNA LEH BEIGUOL



- Evan. Paukhomang Gangte

***Nangmah a na mite a kipah theihna dingun,  
Nei suhalh kit lo ding na him? (Psalm 85:6)***

Kum cheng leh September tha ahung tun tiengleh ei ESC te mai hilo in, Mizoram apat Chanchinpha ana dawngte ECCI nuoi a Presbytery dang dangte'n le I ma zawn chiet ah anuom thei leh lawk thei pen ding in I mang sek u a, I lawk pih ngei ui. Annual Council thupass le hilo, ut phat leh hai in mang zel sek mah leu hing kuo mah I ki awi mawh puou hi, ngeina dan a I neih u hih Mizoram tuol suok I hih ziekh uh ahi.

Beiguol hung kipat dan chuh Mizoram pumpi Presbytery khat a aum khawmlai uh Pathien thu awi le tam nai lo, 1918 Hmunhmeltha Presbytery khawmpi thupass ahi a, September tha leh Beiguol bawl ding tih ana hi. 1925 Synod khawmpi ale September tha a Beiguol mat ding ana phasak zui zel ui. Beiguol ana bawl tung lai un ginglote vehna'n ana mang sek ui. Tichun khawsung a awilote zawlna leh lawi khat in khawkieng nai a awilote vehna'n amang sek ui. Ahalh deuh pawl chuh gamla pi-pi zin le a um sek ua, 1924 a Gangte biel, Saichang a halhna ana tung hile Mizoram apat hung lut ahi tih a kichien hi. Centenary Souvenir pek 28 na a Pu Pakam in Mizoram apat Pastor te nupan ahung u a,

Saichang ah Kristmas le amang un, "Nitum ngeilohna gam ah" (K.P.L. No. 379) asakna'u apat halhna hung kipan ahi tin agen hi. Zie halhna chuh Saichang hi adawng masa pen hilo in zie ma chun 1923 in Leisen ah ana tung masa a, tichun akum kit 1924, September Beiguol tha mah a Mizoram te khah Chanchinpha tangsam a Saichang hungkit hizaw ding ahi. Mizoram Beiguol tha a zin ding a hung kipan dawkh halhna um masakna Hmar biel afan zawh nung a Saichang a Kristmas hung mang ahih chun Saichang a Gangte halhna kiti pen chuh December 17, 1924 (Wednesday) Kristmas Beiguol/thil lawkna Beiguol lai a ana tunga Thugente hile Kristmas mang ding a athouh ziekh ua, ana

mang pai hiding ahiu hi. Kuomah Kristmas, December 25 ni'a halhna ana changzieng um ding in ginchat aum puoi. Aziek chuh a halhna La'u hile Kristmas La hilo him ahi. Zie halhna chuh lamchuom chuom a sut in halhna chi chuom dan in gen mah leu hing halhna atunna cheng ah asie leh apha zawng a akilatna aum chiet hi. Mizoram apat a halhna ana tung haw leh aki lat dan haw chuh, April 4, 1906 in Chaltlang, Mizoram ah halhna atung a, alatdan chuh gitloh kihetna, gitloh phuonna, lasak, lhim leh lam, paucham leh tau hul-hul, khut pei, keng pei vut-vut mai ahi atiu ui. Chun 1913 halhna Aizawl Mission veng a atun lai hin lam, lasak, taksa kisumzolo ban zak a lam leh chintawk umlo in, Isu hung vak ding eitai tin Chanchinpha gen a mundang a vazin ahah bawl un gingtu le ahah pun beh hi atiu ui. Athum veina ding in Nisapui Zotlang ah atung a ziechuh 1919-1923 kum 4 sung daih ahi. Zie halhna tum thumna hih ahi Saichang hung tung pen hi. Zie halhna thu vuok chuh "Kross" ahi a, kahna, mitthitui luong pum-pum a lam, lam tawp theilo, abang chuh puk tawptawp zieng ahi atiu ui. Zie guol chun Saichang halhna chule Isu Kross a kikhet den dan thawh pawl, mitthi tui tawh Isu thawkpih a kap zuoh zuoh mai, abang leh Hallelujah gen in ki chawm vou-vou pawl bangle um a gen ahi. Aban

zawm in Lailong – L ah September 5, 1925 (Saturday) in halhna'n ma asawn zel a Isu Krista thawkna mah alhim pih kit un, ahalhna Lapi'u chuh "*Hukdampa hehpihna kahei*" (K.P.L. 71) mah ahi atiu ui.

(Psalm 85:6) Israel chate'n Lalpa ka chung ua lungna kum khuo ding hita mawh, ei su halh kitlo ding hi ta mawh? atih uhi kum 70 sung Babulon sal a tang ana hiu hi. Ei gam a halhna nunung zaw 1925 Lailong-L a hisap in le halhna tun lohna hi tuni tieng hin kum 91 ahita hila !! Israel te hinle sawt chu sa thim hita ven tiu, kisuonglah leh kisik tak pum a ei suhalh kitlo ding u mawh, ka chung ua lung dam kit talo ding mawh atih mai uh!! Bang lawm-lawm Pathien deih loh I bawl ua, kum 91 hiel ei mai ngat lo a um ahi ta mai dem!! Saltang te kha chuh La sa ngaplo in Babulon lui pang ah akap ua, ei uh chulah kahna ding ziek nasan helo in Babulon lui pang vel ah I lam lam ua. Mi nam lak ah nam tawmpen leh lungsiet loh pen in khuotuohna leh duot lawh lo in Pathien muong a khuosa dan in I ma zawn zawn chiet u ah Synagogue I din ua, abang in kei Pharissai, kei Sadukai, abang in Sanhedrin member kahi I ki tiu in, bangtik phat leh Lalpa'n Zion salte apuih kit lai khan kam bem-bem in ka nui ua, I tih ding uh

gingchak aum puoi. A min chau a na zakha te'n le amelhoih dan, akichei dan leh a smart dan haw a muh nuom ziek un nungak/tangval anuoi asim leh asing a simte'n a Film thawh mawng mawng hi vel tam tak a en uh gingchak a um hi. Ze chau chu le hilo in, sum le pai neihle lama ahinle kuo mah awtcha diek ding in gingchak a um puoi. Govt na tieng le sum le pai lungkham lo hiel a deih zazah uh palak sak thei ding khawp ahau hi ding in gingchak a um hi. Ei haw guol in sum interest ahawl lam ki he vang ten le akilawm hi. Himahlele a melhoih ziek in ahung chapuo a, pasal khat chau masanga atuo mai ding chuh angai ngam lo ziekin, a thih masang in pasal huntieng tak anei man malam hi. Khutia nawpchiet na hinkhuo amat nung inle, lungmuonna leh kipahna tak tak amuh zawh lo ziek in thih na atel zawi mai hi. A thih ni'n America mipi ahepha cheng in, akhawka lawm lawm e! apammaih ta luoi! atih khel uh genbeh ding anei puo. Unaute, ngaihtuoh tie!, Khawvel ahin I deih cheng nei henla I ut cheng hileu hinle, Krista atel lo chun atawpna chuh zah huoi tak thih na ahi.

4. Pathien felna leh adiktatna hin Bitna leh Suohchakna, ei pie thei lo ding guola ngai in, khawvel sum le pai, hausakna leh minthangna

haw apat muh thei ding a ngai in, asiemtu hengil hiel khawp in, hah hawl in I hawl sek ua. Zie haw hin bangtiklai inle ei pie thei lo ding ahi, ei piek thei ding chun Krista Kross ahung thi ngai puon a. Bible in, "Kross leka Krista thihna thugen chuh, mangthaia umte ding chun ngawlhuoi ahi a, himahleh hukdama umlaite ding hin chuh Pathien thilhihtheihna ahi".(1 Korinth 1,18). Zieziek chun, "Pathien khawksalohna leh, khawvel thil utchakna haw chuh haihsan in, tulai khang ahin pilkieu leh diktat leh Pathien khawksa a I um dinguh a hi. (Tita 2,13 ) a ti guol in hausakna, Sana dangka leh khawvel minthangna leh alopina haw sang in, Pathien khawksakna leh adiktatna I hawl chun Pathien in bangkim ei ngaihtuoh sak zaw lo ding ahim ? Min khawvel anunggat san ah, Krista apawm tieng, Pathien lopina amaha ahunglang dawka chau sek hi. Zietieng chuh le, "Mihing hukdampa, na min hi, ngaihawp ka sapen hi", ahun ti dawka thei chau sek ui. David tanglak chanle Lalpa Pathien asuonziek in Isreal sepaih ten alau mah mah uh, Philistiente mihat leh amilien pau, Goliath tawng gup leh khap asang, sum eng lukhuk khu, awmpaw shekel sang nga (Kg 57 vel ) a gik ak pa masanga khan Isreal sepaihte taisieu sek mahleule. David in

tawh apa insung nusieh in khuol gamla ta a, apa het phak lo na gama atai mang zaw ahi kha. A pa, a u leh a insung sangkhan khawvel nawp chetna haw hi a ut chak ziek in, a in sung nawp sakna leh apa le a u lungsietna haw kha bangmaha ngaih lo in ataihsan zaw a hi. Suohpihte, tulai inle, nu le pa, nungak, tangval tamtak in Lal Isu lungsietna leh Pa Pathien hehpihna haw hi bangmah salo in khawvel hausakna leh ahoihna leh alopina haw hi ngaihsanna leh utchak na'n I dim tau a. Zie haw hi ki nei henla hile, guol le pai lak ahinle zahle deihchuom ki chang intin, kuomah ki awtcha puon na tin, ahah hawl in ahawl sek ui. Khutichun, ka damsung hun chawmcha hi kipak tak leh lungmuong tak in mang thei tangka tin angaihtuoh sek ui. Unaute, Bible in mi neizo pa agen kha ngaihtuoh tie! Bangti'n ka hih ta die aw!, ka buh in hih aneu ta a, phie,ng ka ting asanga lienzaw'n sa'ng ka ting, ka thagau kawmah chawl inla ne'n la lawp takin um in ting ka ati a. Himahle, Pathien in akawmah, Mi ngawlpa tuzan hin na thagau hun laksak ding a hui hi; na thil lamdawk haw kha kuoa ding a hi ta die ? ati a. (Luke 12,16-20 ). Khawvela mi minthang leh mithiem tak tak tenle, ze guola ngaihtuohna leh lunggelna chuh nei in, lungmuonna ding

leh kipahna ding in sumle pai leh Sana dangka tamtak leh minthang na ding ahawl sek ua. Zie haw hi nei leule, Krista atel lo chun, lungmuonna leh kipakna tak taka um puoi. Khawvela mi minthang leh melhoih chanchin khat vak gen hi tiu. Hollywood a Film Star melhoih minthang Marilyn Manroe kha na he kha em,? Melhoih aki sak ziek in pasal khat chauh a ding inle aki phal thei mawh mawh puo a, khutichun pasal bangzat ahim neihleng kipak pen ing ka tin, lunggel na anei a. Himahlele, tam vei le anei man puoi. Zingkal khat avak phuon guot uh le, athi san ana kang den mai ah, a ngaihna him him helo in, chawmkhat zaw in, akhaphchak bul a chun imut lumna damdawi akam a bak hile kilawm tak, in a mudawk u a. Ze nu hi melhoih mah mah zieng lele, amelhoihna chun alungthim hawm chuh sudim zawu lo in, alungkhamna chun thi na kuokhuk in ana ngak lawh hiel hi. Gingtu te hi Krista chauh lo chun koumah dang ei suh lungkim thei ding leh ei lungmuon thei ding dang bang mah aum puoi tih avel a I het thak diu angai hi. Zie nungak nu hi Film staring chau hilele ahunset tak tawh melhoih a minthang hi nalai, amelhoihna mai mai ziek inle, a Film thawh haw hi a en nuom lo khawvel ahin kuo mah um ding

hita mawh? (Psalm 126:1). Lalpa'n ei veh thak kit theihna ding un alien aneu in Thuphuon bawl hiting un, Aw Pathien ka hun het ngilh kit ngei ngei leh ka khut changlam hi zeng henla, ka lawpna pen sanga nang ka deih zawk loh leh chuh ka lei hi

ka khadang ah bek chak mai hen I tih ngam ma cheng uh halhna hung kit zieng ta puon a (Psalm 137:5-6).

I gam a halhna atun kit theihna ding in paucham chiet hitiu. Simtu te cheng cheng Pathien in ei vangsak tau hen.



## BIBLE HI BANG AHIM?

*-Soithiengou, Bunglon*

Amasa'n BIBLE hi bang tienga lopi leh mak thil hihthei ahim tih he tam kimahleng ka het kham kham hun taklang ingka. Khawvel miching diekte'n adikna zatchuom chuom ana taklang ua Bible hi adik kei hi tih ana prove tau a, mahleh sawt a adik hi ti a ana pawmte'n I na ngaihnep nau le neukhat hun genlang ingka.

I hetsa guolin gam aumna chengah zie gam tun theihna ding chun, lampi ahiloh leh zie gam tun theihna dinga lampi ding bang ahim khat bek aum chu hetsa ahi. Aleh vangam aum hi tih chu Kristien khat in a het mah mah khat chu ahil chun vangam tung nuom chenga ding chun lampi a hawh tei ding aum hi. Zie chu geographical map ah aum puo a, chun lehkhabu minthang tak tak ale aum diek puoi. Mahleh Bible avang atun theihna ding lampi kichien takin amuh theih hi. Aleh, ze Bible

chu bang tawbang ahim tih I het sunsun vak enkhawm hitiu.

Bible hi Pathien thu ahi a Pathien Lehkhabu thiengtho, thil hihthei tak ahi. Bible hi lehkha Bu dang tawh kibang lo zatchuom tak ahi. Amah hi amak na chu lehkha laka luipen leh athak pen le ahi aki tii. Ze Bible hin mi kum bangzah ading hileh ahin ding dan kichien takin agen a chun society a kivaipuok ding dan leh mimal hinkho ding kichien takin agen hi. Kuole asim cheng adingin amamawh hun adinga

mattak tak ahi. Bible a thu kizik te hi kum 4,016 vel masang a kizik himah leh tu hun a dinga pawimawh mah mah thil te ana gen hi. i) Pathien chu kuo ahim? ii) Bang ti kahet theih dem? iii) Kei kuo kahim? iv) Hoia hung kipan ka him? v) Bang dinga siem a um kahim? vi) Bang tia kasep ding hi zo thei ding ka him? tih haw hi Bible a hi um ahi. Pathien thagau hetsak aum in mi kibang lo tampin azik ua hoitaka kisukhawm ahi. Mi tampin azik u himah leh akikalh nau umlo hiel ahi, Chun Bible ahin History, Science, law, biography, philosophy, prophecy, drama leh tulai a miten angaih san mah mah uh romance, poetry leh song haw le aum vek ahi. Bible hin Pathien ngaihtuohna thil guon leh mihiem te dinga athutiem cheng le agen hi. Bible hi Pathien I het theihna ding u leh a lenggam a dinga bang tia pan I lak ding u ahim tih I het theihna ding ua piek a um I hui hi. Bible ah thil tampi um mahleh a tup thupi pen chu “Pathien lungsietna a mihing te tawh full relationship I neih kit hi ahi. Pathien hi Hindu te pathien guola siemkawm,

pau theilo tawi theilo ahi puo a, lungsietna Pathien, a mite tawh kipawl khawm a kiho limkhawm ut Pathien ahi. A mihiem siemte kawma hi a lungsietna thu, thih nunga gam nuom zaw kumsawt gam aum thu, thil cheng cheng hi amah a ahih dan, Amah ngei hi bang tawbang Pathien ahih hi, amah kamchang ngei a mihiemte tawh kimaituoh a ei hil theilo ding ahih ziek a athu hi zie Bible a hi ei hilh uh ahi. Zeziekchun na sim phat leh Pathien thu ahi tih hengilh ki’n. Mi khenkhat chun Pathien lopina het na dingin athilsiem te chauh hile ahun set hi atiu hi. Chun Bible hi Greek pau Biblios apat lakdawk ahi a, zie chu lehkhawm tihna ahi. Paul in thagau thiengtho a hetsak a zik ahih dan a genchien hi. Chun Matt 22:29, Mk 12:24, Rome 1:2 leh adang dangin a muhtheih hi. Chun Bible hi Bu lientak mun nih in akikhen a, zie chu Thuthunlui leh Thuthunthak I tiu hi. Thuthunlui Bu 39, Thuthunthak Bu 27 aum hi. Akigawmin Bu 66 ahi. Chuleh Thuthunlui hi munthum in lientak tak in akikhen kit a, zie chu-

**i)Dan:** Thilsiembul, Pawtdawkna, Thiempudante, Kisimna, chule Dannihna ahi.

dan Lota te thusim apat hinle aheth theih hi lo maw ?. Suohpihte I gam sung ahin unau tamtak in testimony hoih tak tak I gen sek u a, Pathien chu “ ka Lalpa leh ka hukdampa, Ka Pathien “ ahi I ti sek u a, tu masanga gamlataka umte kha Krista thisan zal in hih naih in I um tau a. Amahvang chawmlo kal in Pathien apat taimang in, umlo na ding muna I um sek ua, akhawmah mah mai hi. I taksa hatlai le I dam thei lai in chun khawsak na him him umlo in phakzawh lo na leh chieh zaw lo na mun um lo in, I ut na gam gam phan I tai vel u a, kipah mel tak tak pu guol in I vak viel ua. Amahvang suol na gam chip deuh deuh in I lut zel ua, I gil vah na ding le hilo kham thei na chuom chuom ut chak na’n I dim ua. Chapa taimang pa guol in vawk ankuong bula vawkchate’n bang khat bul anak haw a ut chak guol in, I ut cha sek ui. Ei mau ut thu’n I taimang ua, atawp le ei mau le ei mau ki lungsiet in mit thitui aguk guk in I thiek sek uh hilo maw. Suohpihte, Pathien tello na gama pukluta, chapa taimangpa guola mah ni deih telna thupukna siemte ding in haksat na tam tak I amasawn zel diu angai hi.

3. Pathien thu’n, kihilhna dik a ngaih ngap loh hunuh hungtung ding ahii, abiluh a thak ziekin amau deihlam chietin sinsaktu

ding akawmu ah khawm un tinuh, anakhanguh thutak lam achun sungawng un tin, thusim holimna lam zuonin pet ta’nau (2 thimote 4:3-4) a tih guol in. Tulai ah, sapchuom te hin thutak ki gen haw hi nakhanga lut tak lo in, khawvel thusim holim na vantang amahni lawkna ding ahi phawt leh adik le diklo le khen thiem thei talo in, I thagua suohchakna ding leh bitna dinga ei lem guotsak haw hi le ngaihkhawm leh pawimawh sak na mawng mawng um thei talo khawp in hinkhuo I mang tau a. A khawm mah mah mai hi, zieziek chun bangkima chingthei taka I lampiteu I khuol chil zel diu a ngai hi. Bible in, Nang vang chuh bangakaiah pilkieu inla, haksa thuok inla, Chanchinpha genna lam na sem inla; na zenviel nasep khah muolsuoh ah, ti a ei hilh guol in. A Sapchuomte hin a thupiek leh ahilhgaih na haw hi khawksaka, hangantaka zuiha gah suoh a sem ding hi na pin, zie haw chuh lehngat san in, mahni deih telna lam muolsuoh guon I ut na chiet a I pet mang gam tau hi. Chapa taimang pa khan apa kawma um a, ahausakna leh neihzawhna haw kha nuomsa taka chen thei ahi tih kha hemil ding in ginchak aum puoi. Ahih ziek in apa insung sang in khawvel a ut chak zawk ziek khan, ago neih cheng cheng

mang in, a chang leh thisan naisan kaijengjung leh buokneunuo in kuo mah lainattu leh lungsiettu ding, I neih tak loh nung nasan inle Lalpa'n ei nunggat san puoi. Ei lungsiet in, amah lam a vaihkit ding in ei ngakzing hi. Lalpa'n Ngaidam zawh loh gitlough anei puoi, gitloughna chuom chuom hih leu hing le, ei thuk zieng lo in. Nute'n a chateu a thep guol in ei thiem in, hun lemchang ei siem sak zaw sek hi tih I het diu ahi. Lalpa chuh aphan pahchak in um hen.

2. Bible in, tunia a aw nazak uh chun na lunggil uh sukhauh kiu vin atih guol in, Lalpa Pathien aw za a, athupiek haw hi phachuomngai taka ngaihthak a, zuih a, I lunggil cheng cheng, I hatna cheng cheng leh I ngaihtuoh na cheng chenga I pawm chun. Lalpa'n Noa leh a inkuonte chung a hehpihna alatsaka, ahukdawk guol khan, a aw za a zuite hi Lalpa'n Setan suok apat in ei hukdam tei tei ding ahi. Noa leh a inkuonte chung a aginum a ataksan um guol khan I chung uh ale gin um zing Pathien ahi. A chate a ding in bangmah hih thei loh anei puoi, thuthun lui leh thak ah amite ding a gin um guol khan nang leh kei ading inle agin um na alatsak ut ahi tih hi i hetngilh loh hiel ding ahi. Khen khat in ahehpihna leh alainatna haw hi adailam ei tai ti hile kilawm tak in ngaihtuoh na

aneik sek ua. Ze chuh ei zaw puoi Suohpihte, khawvel hi ki theng het hut henla, ahoihna leh alopina haw hi tuoi le le, Pathien hoihna leh alopina haw hi adanglam ngei puoi. Tuipi san jeptan in Israel chate leichakah a pui galkai a, thalek gam tui umloh na mun a suongpi kala tui aluon dawk saka, athil hih thei na hi achate phatna ding leh bitna ding in bang mah hih theihloh anei puoi. Abraham hun lai khan, Sodom khuopi asuol ziek un, Lalpa'n gawt aguot lai in, asunga Pathien mi het Lota te insung ana cheng kha khekhel u a. Khuti ziek chun vansawchakte'n Lota te insung chuh, a um na dingdik tak mun zuona khuopi nusieh ding in a ngen u a. A ngetnau chule ngetna muongtaka kisak na phat um ta lo in, ki nawhtak in angen ua. Khuti pum chunle Lota te inkuon chuh a muong mah mah nalai u a. Vansawchakte'n nasa zaw sem a, anget nung un, Lota chun amakpate ava hih a, amau chunla chiemnuihbawl guol mai mai in ana ngai ua. Khuti a, Vansawchakte aki nawhtak luot ziek un, kam a gen thawh hita lo in, a khut u tun, khuopi paw lam a apuih dawk thawh hiel ui. Khuti chun, Lota kawmah chun "Na hinna na ding un taidawk zieng un a tiu a. Pathien in amite Bitna ding leh suohchakna ding angaihhawk

**ii)Thiemgaute:** Former: Joshua, Vaihawmte, Samuel, chule lengte ahi. Latter: Isai, Jeremia, Ezekiel ahi.

**Minor:** Hosea, Joel, Amos, Obadia, Jona, Mika, Nahum, Habakkuk, Zephaniah, Haggai, Zekariah, Malaki hi.

**iii)The writing:** Poetical: Sam, thuchingte, Job, Five Roll: Solomon la , Ruth, Sunnala, Esther, Chun Thugenpa ahi. Historical: Daniel, Ezra, Nehemiah chun Khangthu Bu ahi.

Chun, Thuthunthak hi le mun nga'n akikhen kit a zechu anuoi a bang hi ahi.

**i) Chanchinpha:** Matthai, mark, Luke, John, ahi.  
**ii)Sawlchakte na sep na iii)Paul lehkha thak:** Rome, Korinth 1,2 Galati, Ephesi, Philippi, Kolossa, Thessolonika 1, 2, Timothy 1,2 Tita, Philemon

**iv) The General Epistles:** Hebrews, Jakob, John 1,2,3 Juda ahi  
**v)Thuphuon**

Chun, Bible hi mi sawmli (40) vel in thagau thiengtho hetsaka azik uh ahi. Kum 1,500 sanga tam zaw sung azik uh ahi. aum dan chu

khang sawmgup vel hisap ahi. Bible hi amak kit na khat chu azik te hi kimutuoh khalo chun mun chuom chiet a cheng continent chuom chuom- Asia, Africa, leh Europe a mi ahiu hi. Bible zik te hi kum zakhat lam lam a kikak khang chuom chuom a mi'n a ana zik uh ahi. A zik ding dan kiho na neih ding tih chu thil hithei ahi puoi. Pau zatchuom chiet chun a chennau gam umdan dinmun tawh tehkal a zik ahi nalai hi, chun a zikte hi ahihnau kibanglo, khenkhat Leng, Sehdawl, Doctor, Ngamanmi, Belam chingmi, Lengkhawnpie tih haw chun adang dang tamtak ahiu hi. Chun azik hun uh amun, agam kibanglo hi mahleh athuzik uh akikalh na umlo hiel ahi. Etsak na'n tun khangkhat, gamkhat, munkhat a mi Subject khat azik ding uh kipie hen la hileh achungchang achun ngaihdan deihdan kibang khel puon a, mahleh Bible vang mi tampi'n gam chuom chiet khang chuom chuom khang sawmgup sungvel a azik uh himahleh kikalh lo hiel achieh dan kibang akawk kibang athiltup kibang ahih dan hi I ngaihtuoh leh apie

tu khat aum hi I ti lo thei puoi zeiekchun Bible hi amak in alopi a, thil hithei tak leh simtak tak ahi. Bible ngaisang Nam, Gam, Mi chuh ngaihsang in aum tei tei hi. Chun zie a pat a thil neukhat ka vak genbeh nuom chu mi ngaihsan nam, gam, leh mi I hihtheihna ding un Bible hi ngaisang leuhing tih hi deihsakna thu ka vak gen hi hen.

Chun kei ka kimuh dan apat thil neukhat kahet chuh masang lai khan nikhat in Bible hi bung nih sung kasim zo a, tun vang ka sim zawh loh chang atam tai. Kigendawk zieng leh Bible ka phetloh ni atam tai ka kigel gel leh ka phone a thil tamzaw hettheih um a ka het ziekin hun ka mat thiemloh ziek le hin a, masanga ka Bible sim hun cheng kha, tu'n ka phone khawih hun in ka mang a, zan kuol hun leh thawh hun a Bible sim pa khan, kuol hun leh zingkal thawh a paucham masanga **ka phone**, ka **WhatsApp**, ka **Facebook**, ka **Game**, ka **Google** in ei mu mun a mahleh Ka **Bible** in ei mukha tapuoi tun ka phone

a Application tampi um haw kakhawih thei nai mahleh Ho-in a Thugen Pan Bible chang atel, achang asim zawh masangin a Bu tel ka phetdawk man tapuoi (Etsakna'n Hosea bung 2 Chang 11 ti ta leh chang 11 na thu asim zawhmasangin Hosea Bu le hoia um ahi ahawl dawk man ta puoi) aziek chu Ka Bible in ei muh khak takloh ziek ahi mai hi. Tu'n thil tampi khawvel miten **'knowledge'** atih u hi nei in kakingai a mahleh Bible kana sim taklo ziekin Bible in **'Wisdom'** a tih khuh nasataka ana nei talo in kakihei tai zeiekchun kuole chitna aneih nuom chun Bible chu apawih mawh masapen ahi. Chun tulai a kathil muh beh khat chu khantohna chu ahi nai, mahleh mi atam zawn Imat thiemloh ua ka het chu Phone a BIBLE, LABU I nei chiet ua zeiekchun Ho-in a Nungak tangval Phone a Bible Labu en a kingai a facebook, WhatsApp, games leh adang dang a kichep na a mang atam zaw ahi tai ti leng genkhiel khel puong ka, zeiekchun kei tawbang a phone mangthiemlo

# PATHIEN LO IN BITNA A UM PUOI

SM/Clk Paukhogin Gangte  
HQ DGAR, Shillong

1. Israel chate'n Aigupta anutsiehnung un gamthipa sawt tak avakvai u a, kumsawmli atin kum atha sawm leh tha khatna ni khat ni'n, Moab phaizawla Jordan lui kan ding in, apuon buk uh azak ua. Ze lai chun Lalpa'n Mosi ahopiha akawm ah, Israel chate hopih inla akawm ua, Jordan lui a kan ua, Kanaan gam a lut tieng u leh tuolthat khapalh te, taih lut na ding in bitna khuopi gup a siem diu ahi. Jordan gal ah khuo thum pieu unla, zie chuh Isreal chate hi henla gam dangmi cheng den lo leh achengdente hi leule aki humbit na ding uh leh a suohchak na diu a a siem ding uh ahi. Kuonle tawngpalha mi a thah khak chun khuopi khat pen pen ataih lut chun bit ding ahi tin thu apie a ( Kisimna 35: 9-15). A thu piek bang tak in Israel chate'n Jordan lui kan in Kanaan gam alut nungun, Jordan gallam suohlam panga khuo thum a guot chuom ua. Zie khuo haw chu Reubente ding in, gamthipa tangzawla um, Bezer khuo, Gadte ding in Gilead gama um, Ramoth khuo leh Manassehte ding in

Bashan gama um Golan khuo haw hi ahi. Khutichun Kanaan gam alut nung un khuo thum mah a siem ua, zie haw chuh Naphtali tang gama Galili ah Kadesh khuo, Ephraim tang gama Shekem khuo leh Juda tang gama Kiriath-arba khuo haw hi ahi. Zie guol chun Lalpa'n Israel chate mawhna bei a thi apha loh ziek in, asuohchakna diu in bitna khuopi aguonggalh sak a, zie dan leh athupiekte azuih chun, thisan phuba lak guote apat asuohchak theih na diu a athiltup ahi. Pathien in Setan suoka tang amite Suohchak na ding leh hukdamna ding hi athil tup leh angaihhawk pen ahi. Bangtik lai inle, amite hi ahehpih in akhawk saka, a mah dinga gin um a um ding leh anasem ding a ei tel uh ahi. Ei haw mi gilote bawn in I cha le nau, nu le pa te suohchak na ding leh bitna ding I ngaihhawk theih chun, A chapa it lo a ei pie, I Lalpa Pathien in I bitna diu leh I suohchak na diu bangzieka ngaihhawk lo ding ahim! Suok namkaw! puon Setan lampi hawh in chapou tak leh luhlul leh thanguoi tak in hinkhuo

sung chawmcha sunga Kristiente sep loh ding leh ngaihtuohloh ding tamtak I ngaihtuoh uhih ahi I gimpih uh. Lal Isu khawvel a alen lai a, a sepban ei nutsieh I seploh ziek uh ahi, haksatna leh lungdawnna tamtak I tuoh sekna ziek uh.

Kristien insung chengah I ngaihtuoh ding uchuh Isu chanchin henailote hetsak ding, gamtin a Chanchinpha phuonzak ding hih ahi. Lalpa sepban sepzawm ding leh I theihdan chiet ah pauchamna a hetheite'n anasemte ngetpih a, thilpiek pietheite'n piek ding chuh akhatna'n nei chiet in, Lalpa dieh le subuting guo chiet leng, ei dieh leh mamawh le Aman it diek puon a. Ei un ei u dieh mai I ngaihtuoh zawsek ua, Lalpa deih le I ngaihtuoh ding uh ahi. **Rome 15:20** na a Paul in le agen chuh "Ka thiltup ahih leh krista chanchin ana hekhanailote mun a, Chanchinpha gen hih ahi." atii. Khawvel ahin bangmah chan umdieklo ding I hiu a, khawvel lopina leh hauhsakna haw hile bangmah ahi diekpuoi. Zie Lei I umna'u mun hih Isu Krista I

ngakna'u mun a ana kawih theih angai hi. Timothe 6:7 – "Khawvel ahin bangmah I lutph puou a, bangmah le I pawtpih thie diekpuo hi." Khawvel ahin hauhsakna, thuneihna haw hawl mah leng le bangmah ahidiekpuoi. Khawvel pumpi nei mah leng le I hinna I chan uchun bang a phachuom." (Luke 9:25). Kristien hingal a I ngaihtuoh hawu hih I thih nung ua Lalpa kawm I tuntieng, gentheih atel na dem? Pathien chun mitin, a thilhih bangzel un ditkit ding ahi ngal a (Rom 2:6). Mi apien leh khatvei chuh thi tei ding ahi ati a, ei sapchuom sungah In-kuon khat in thagau mangthai, Isu chanchin henailote khat hetsak ding tih bang I in-sung cheng in project in nei thei ta leng un, kum 100, Centenary I mat uh hawle gen ngam um deuh ding ahi. Sapchoum leh mimal tin in kingaihtuoh phachiet hitiu. Cha hihna changte'n I sepding uh Pa'n eipiek hih ngaihtuoh thak hitiu. Lalpa'n simtute cheng vangsak tachen.



**HETSAKNA LEH NGETNA**

Kristmas leh Kum thak Article ding zik nuomte'n hun zik unla, November 2016 tha sung ngei a hun pielut dingin ka hun ngen hi. Chuleh, Article dang dang haw le hun zik zel dingin simtute I kichiel un, I kihetsak ui.

-Editor

adang le I um khak ua ahih chun achunga I gen maktak a suktuoh a um Pathien thagau hatkhum I Bible uh ngaihsan pen ding himahleh hung kingainep deuh deuh dinga ka muh zekin ka hun gen zawk ahi. Bible ingaihnepe u chun namdang te sangin ngaihsan in umhiel puoi tiu. Umm... kenle thugenpa thugen chu nasatakin kapawm ahi. "Kum sawmthum masanga a inchen sanga kuo a tua a inchen se zaw? Aleh ze kum sawmthum masanga athagau hinkhuo sanga tua kuo a athagau hinkhuo pha zaw? Masanglai a, I nu I pateu in Bible sanga phazaw ana het loh lai u khan ainchen uh se mahleh, a thagau hinkhou khan a chateu tienghin ei na pui ui. Aleh tun khangthak te hi ei kidawng leh Phone sanga phazaw um di'n he puongka. Aleh zie tawbang a hete chun kum sawmni hawh vel leh ka nautu/ka chateu kawma Bible hi simtheih cheng cheng laka phapen ahi tih ka gen thei na ding um? Zeziekchun kenle kum sawmni hawh masang khah kuo cheng a din I

thagau hinkhuo Pathien tawh I kipawl na kha pha zaw di'n ka gingcha ahi. Zeziekchun Nu le Paten Gangte nungak-tangval bangtieng a lehkhathiem hi henla, Phone hawih pen nei hen la, net lam pang ah chitna sangpen nei mahleh Bible sanga ka ngaikhaw zawk uh aum lohna dingin leh amat dan ka thiem theihna ding un ei Pauchampih leu chun tin na lungsietna ka hun ngen sawn sawn ahi. Simtute cheng cheng Pathien in A Bible thiengtho ngaina thei di'n Vangsak ta hen.

**"Kuole ei ngaikhaw chu ngaikhaw ingka tin kuole ei musitte chuh ka ngaihnepe ding ahi"**

**By: PATHIEN (1Samuel 2: 30)**

**"We account The scriptures of God to be most sublime Philosophy. I find more sure mark of authenticity in the Bible than in any profane history whatsoever."**

**By: Isaac Newton**



*Chamna Aw*  
**THIEMPU PUONAK CHUOL LEH  
PATHIEN THAUNUH**

*Upa Kappa  
Langvon*

Amasan zie article hi zikna dinga taksa damna leh phat kizen petcha ei chawksak tu Lalpa Pathien kawmah kipahthu ka gen masai.

Zie article guh gem takmai hih kei ginna leh hetna neilo in zik ding leh zikloh ding sawttak ka saihkal nunga zik phasak ka sukpuok zawh a kisuonglah tak puma ka hun zik mai ahi.

Luke 19:40 : Isu'n a dawnga, ka hilh na hui hi, ziete haw hih athip uchun suong chang bek kikou dawk un au ati. Asuong changa hung pang ka hi. Lunglutna leh ngaihkhaw bek ziek a kampau hawihlo leh adik lohna cheng, nang a Krista ngaihdamna um akhah ei ngaidam masa a, sim ding in ka hun ngen hi.

Simtu nang na ngaihtuohna thukpen leh sangpena ngaihtuoh a, thainel a, sim ding leh adikna phuong dawka pang ding inle ka hun nget na hi.

**1 John 2:21: *Thutak chuh na het loh ziekuh a ka hun zik a hi puoh a, na het ziekuh***

***leh, Thutak achun lepchieh bangmah a pawt kha puoi tih na het ziekun ka hun zik zawk a hii.*** A tih bang in Thiempu puonak chuol lultan leh Pathien thaunuhna changte lultan hih na hepuou tih a gen ka hi puo a, kei sanga na het zawk ziek ua gen ka hi zawi. Thaunuhna changte dinga Thiempu puonak chuol alul dan chuh kei sang in na he zawn, na muchien zaw a, alulna tak chuh, **Thuphuon 1:13: “*Thaumei kawihna lak achun, Mihiem Chapa tawbang, kêngpêk phiet a puon silh, a awma sana kâwnggak a kigak le ka mu a.*”** Lalpa Isu'n van tuk velh hawng a, um zosa leh um laitak leh hung um kit ding Thiempu puonak chuol a design Johan a et sak a, Johan in amuh bang tak a azik ahi. BC-AD chan a hung ki mang to a thiemgao, thiempu Pathien zenviel apang

*Chamna Aw*  
**NA NGAIHTUOHNA LALPA'N  
AHEI-BANGA NA NGAIHTUOH –  
KRISTIENTE'N – LALPA PHASAK LAM  
AHI NAM NA NGAIHTUOH**

*P. Lamgin Gangte, Bijang*

Kum 100 centenary mat zawh a Mission Conference I matna'u ah bang mah gel nailo na him? Buoina dang ah na buoina chuh (Sam a agen bang in) na umdan ding chuh Lalpa chungah ngan la Amah chuh muongin la Aman hih vek in a atii. 37:5 na khan Kristiente amamawhpen chuh ni cheng a I umdan ding Lalpa chung ah ngak zing ding ahi. Ei mau thagau a I zawnkhalna'u leh tha chauhnate'u haw hih ei un bangkim I ngaihtuoh guot tieng u leh ahi sek hi. Midang I mu thei mahmah ua, ei uh kimu seklo. I ngaihtuohna'u I Lalpa Isu Krista chun ahe mah mah mai hi. Peter leh Isu kiho khan le Isu'n Peter lungthim khah a amah ahehpih leh ahehpihloh Isun a he mah mah a, mahleh Peter in nuomtak in, *'Lalpa! Ka hun hehpih hi'* avak tizieng na achuh a hehpihloh zie khah a ki hopih pa khan a he mah mah hi. A ngamat leh anga a paisa muhding mai khah eive Peter in a ngaihtuoh khah, nang leh kei ngaihtuoh hile Ho-In a I va kaihsekna, Aneipa hin

bang a I ngaihtuoh he mah mah ding ahi. Ngaihtuohloh ding kristiente'n I ngaihtuoh tieng Thagau hinkhuo hih a suchau hi. Elijah, Jordan suohlam Cherit luipang a akisel lai khan, va-ak in changthak leh sa a, avak lai khah ka ngaihtuoh leh Elijah khan va-ak khah ngaihtuoh leh thihlawh ding ahi. Aziekhuh va-ak sasiel ne, ganpul cheng ne vacha lak a le a hawihlo pen in changthak ahun peha ahun puok atipuo a, va-ak khak a ngaihtuohpuoh a, changthak leh sa khah ahi Elijah in ahinna ding a ngaihtuoh.

Khuti guolin ei Sapchuom sung ale ngaihdan phazaw I neithe dem tih ka ngaihtuoh tieng, Sapchuom mipite'n bang tawbang ngaihdan I neisek um? I ki khawp tieng uleh Upate ahim I muh uh, Pastor'te? Ho-In (Church) kiti hih kuo a ahim? kuo an I ngai um? I ki khawp dan uhuh Ho-In neitupa va mulo in Upate, Sapchuom lamkaite I va muhsek u chun, I muhdan uleh I kikhawp dan I then uh ngai in a. Kristien I khuolz in



gucha chun gu ta ki hen, tasamte kawm ah piek ding aneih theih zawkna ding in. Khut a thilpha sem in gen zaw hen, angai tha te din lungsietna ahung hih theihna ding in, Pathien thagau thiengtho chu su lungkham kiu, tatna ni a dingin a mah a chuh mahuol kinam na hi ngal ua, phatna haw, lungsietna haw leh gitlohna cheng cheng chuh haihsan in um hen. Chun, nunnem a lungthim a ki zahngaih tuoh takin um zing un la, Pathien in Krista a nang uh a hun ngaihdam guol in ki ngaidam tuoh un.

**THIEM CHANSACKNA**

- 1) Dan chu Krista lam ah ei kai huoi tu ahi, (*Galati 2:16 – 21*).
- 2) Dan in kuomah thiem chang zo lo, (*Galati 3: 11 – 21*).
- 3) Thagau chu dan ziek hilo, (*Galati 3: 25*).
- 4) Thil mak hih le dan ziek hilo, (*Galati 3: 5*).
- 5) Dan chuh ahat puoi, (*Galati 4:9*).
- 6) Hinna petheilo, (*Galati 3: 21*).
- 7) Dan nuoi ah mi hansie dawl a um, (*Galati 3: 10*).

- 8) Kristien Dan hansie lak a pat zalen ta, (*Galati 3: 13-24*).
- 9) Mihing chuh ginna ziek a thiem chansak ahi, (*Galata 3: 11*).
- 10) Ginna'n dan suhai, (*Galati 2: 25*).
- 11) Ginna ziek a Pathien cha hithei, (*Galati 3:26*).
- 12) Zektan le bangmah hilo, (*Galati 5:14*).
- 13) Ginna ziek a gou luoh tu hi, (*Galati 4: 6-7*).
- 14) Gingu thagau ah hing ding, (*Galati 5:25*).
- 15) Ginna chun thagau muh sak, (*Galati 3:14*).
- 16) Ginna thagau gah ahi, (*Galati 5:23*).
- 17) Ginna chuh chatak Sari tawh the kal ahi. Dan chu suok nu Hagari tawh teh kal ahi, (*Galati 4: 22 -31*).
- 18) Krista, Abraham suon, (*Galati 3: 16*).
- 19) Numei suon dan nuoi ah piengte tandawktu ahi, (*Galati 4:4-5*).
- 20) Krista chuh i sik a hansie dawl a um in, (*Galati 3: 13*).
- 21) Thihna apat a thou kit, (*Galati 1:1*).
- 22) Lalpa ahi, (*Galati 1: 3*).



Levi chiten Pathien ang sunga na asepnau a a form uh a hi a, form dang tawh kibatna him him a nei puoi, achuol diekna hih alopina chuh ahi.

**Job 29:24: *Ka dikna chuh puonak chuol ahi.*** Thiempu puonak chuol chuh achuol himai ding ahi a. Puonak sing kitihna aum puoi. Mo gawpna, thi vuihna maicham bawl na tuoklawm lhatna amat ding a gen khen puo a, thiempu puonak chuol chauh agen hi.

Thangni vel a hung kilang dawkw thiempu puonak tih ding ahim, puonak naran akikhui angawng a-anglam khadang a puon bek kang neu chah kikhui belh achuol lam longpen kawng a zehlut hawhah Bible a na muh a design tawh bangti nasa? Pathien thaunuhna changte hih ahihna bang, tuchak pen dingte leh aneitu pen ahingal a, Pathien thaunuh, a grape huon a mawhpukna nei a zenziel nasemte'n I changvawp ding u chuh, **Thugenpa 7:16: "dik kisa taluo kinla, kipil sak taluo diek kin."** **Rom 12:16: "Kingaisang taluo kiu unla, mi neu neu kivawppih zawu in. Ching kisa taluo kih."**

Sepaih gal kuon ding chuh amasapen a apawimawh chuh ameithal u leh athal chang uh a ngaih khawk pen u leh akuon lawh pen uh ahih bang in Thiempu matchak lulpen chuh Bible leh puonak chuol ahi. Thiempu puonak chuol hih ak khawp a giksak, lumlau sak ziek mai a mihing deihdan a, a design then mai ngam ding hileh Aron leh Mosi khan ana hah then tan au. Ahimelek chapa Abiather in Keilah khuo a David kawma agal taihna ale Thiempu puonak chuol keng a chieh ahi ati a, a thiempu puonak chuol chuh angaisang chu aw, et tawntak ahi na mai e.

Pathien in ka lungthim bang pu atih hiel leng David in a lungkhamna tawpkhawk Pathien a dawtna ding ah pawimawh asak masak pen chuh Thiempu puonak chuol ahi.

Thiempu Abiather kawm ah Thiempu puonak hun la tie ati a, aman Abiather in apie a, ahun taka mat theih dinga Abiather in ana puok hih kipahna, hatna achan lawh nau ahi. Thiempu Abiather hin ana puolo hita mai le chuh!

Sapchuom Upate hih I um ding dan leh, I sep ding bang ua sem zolo, sem buting zolo himah leu hing, thutak dinpih a, adik leh diklo phiet khen apang dingte I hui hi.

**I Samuel 15:17** chun Samuel chun nang ngaih in mineu cha himah leh chun le Israel namte leng dingin sathau ahun nuh a, ati a damsung khawsakna ale mihing hihna a mawl kip-kep, hetna tawm himah leu hing Krista sepban sem zawm, Pathien sapchuomte dinga lamdik kawm muh dinga Director hihna chang I hui hi.

**II Korinth 1:21:** Kei uh thau einuh pa chuh Pathien ahi. Sapchuom Upate hih tha chenga lawh la a Lalna sem I hi puou a, hun cheng a awihmawh, gensiet, muhsit, demnate hih lawh a nei a, Lalna sem I hi zawu hi. I mau a ana chiehssa, I thiempu chanpihte'u tawh kiteh dingin vang chuh sawmakhat le ting zolo I hi na lai ui.

Ordain ka hihma apat a sapchuom a mawhpuokna, tuni tienga tinglo tak a ka hun mat tohna ah, sapchuom etkawlina a matchak ding tamtak umte laka apawimawh diek chili ka muh

dawk chuh:

1. Isu itak sanna'u siempa leh subukimpa lam et zing.
2. Kitakna / Ginumna / Takkhanna
3. Ngaihhawknah leh,
4. Thawkhathna.

Bang programme hitaleh thau nuh Thiempu na hihziek a guot, chiel, sap leh seh na hih tieng note book a na zik thak sen mai lo in na puonak chuol leh na Bible keng tei ah. Mosi'n a belam chinna mawlh ahengilh khapuo.

Thiempu'te'n hih ding a kilawm thawh mai hilo a, hih tei ding chuh sapchuomten Pathienni a Ho-In a thilpiek a Pathien ahona'u tuoklawm, maicham ahun chawih khawmte'u latna na sem ding, thiempu chun agau puonak chuol aklo in lat dah heh.

Khuo khat a Upa khat chauh umna ahieh leh Pathienni kikhawp cheng leh Thiempu van a akivan ding Upa nih apat chunglam umnate'n conduct in Pathienni kit a tuoklawm latna nei ding a aguo Upa chuh athiempu van aki van ding deihna ziek ahi.

*Adikta cheng athuneipa'n simtute vangsakna'n mang ta hen.*

# KHUTICHUN KHAWVAK CHATE BANG A NA UMDING UH AHI

(Ephesi 5:8).

**(Khawvak gah chuh: Phatna haw,  
Diktakna, Thudikna)**

- Zasawng Gangte,  
Shillong, New Hebron

Nanguh Pathien mite nahi tau a, zieziek chun kideihchak leh buokna cheng cheng huoihamna tawh na lak uh ah gen le kigen puok kiheng nang haw ding in thu manloh gen haw, zahmawh gen haw, chiemnuih thute gen chun akilawm lo ahi. Pathien kawm ah kipathu gen zawu un, uain kham in um kiu un la, thagau ah dim in um zawu in. Pahchakna la haw, thagau lam la haw a kihotuoh in. Lalpa chuh na lunggil ua la sak sak un. I Lalpa'u Isu Krista min in Pathien pa mawng kawm achun bangakai chung a kipathu gen zawu in. Makhan khawthim na hui a, tuhin vang chuh Lalpa achun khawvak na hung hi tau hi. Lalpa sukkipahna ding lam chuh ngaihtuoh in khawthim a um mite'n thil manloh a hihnateu

haw achun telna him nei kiu in, tel malak in amawhnau hetsak zawu in. A thilhih sekteu chuh agen le zahchak aum sek ngal a. Thilcheng chu khawvak ah suklat ahieh tiengleh ahiehna diktak chuh ahung kilang dawk sek ngal a. Thil khawvak a suklat a um ta chu vak ahi sek hi. Zieziekchun nang ihmuh hak in la, mithi lak a kipat tho in, tichun Krista chun hun salh vak in a, ti'a gena um khah thutak diktatna leh thienthona, Pathien tawbanga siem khan kivan un, khutichun, zuou gen hai in eimah in-sak, in-thangte kawm ah thu diktak gen chiet hitiu, kikatuh chiet i hi ngal ua. Lungneu un la gitloh vang gilo kiu, na lungnat uh chuh ni'n tum pih kiheng, diabol chuh hun lemchang piehieh kiu in,